



Na osnovu analize trenutno zabilježenih vodostaja na hidrološkom monitoring sistemu (automatske vodomjerne stanice) na vodnom području rijeke Save, daje se:

INFORMACIJA O TRENUTNOM STANJU VODOSTAJA

Datum i vrijeme: 08.10.2024. – 9:00 h

Vodno područje rijeke Save u Federaciji BiH

Trenutno se bilježi opadanje vodostaja na svim hidrološkim stanicama na vodnom području rijeke Save u Federaciji BiH.

Obzirom da su najavljene nove padavine tokom noći sa 08.10. na 09.10.2024. godine, dominantno na vodnom području Jadranskog mora, određene količine očekuju se i na gornjim dijelovima slivova Une, Vrbasa, Bosne i Drine. Padavine će obuhvatiti područja koja su bila zahvaćena proteklog vikenda vanrednim hidrološkim stanjem (gornji dijelovi slivova Une i Bosne). Prognozirane količine padavina su manje u odnosu na padavine koje su prouzrokovale poplave.

Zbog novih padavina prognozni modeli za rano upozorenje od poplava simuliraju blagi porast vodostaja na pojedinim hidrološkim stanicama, tako da se očekuje normalno hidrološko stanje na cijelom vodnom području rijeke Save.

Obavještavamo nadležne službe kao i stanovništvo koje živi na područjima koji su bili zahvaćenim bujičnim poplavama na dodatni oprez, pošto se nove padavine očekuju tokom noći te da iste, zbog promjene hidromorfoloških uslova tečenja na slivu i u rijekama, mogu imati uticaj na pokrenute erozione procese u slivu.

Na rijeci Savi bilježi se stabilizacija vodostaja i trajati će narednih nekoliko dana što je uzrokovano oticanjem vode sa cjelokupnog sliva. Vodostaji neće dostići vrijednosti pri kojima počinje redovna odbrana od poplava na području Odžačke i Srednje Posavine.

Informacija o prognozi se daje na osnovu prognoziranih podataka padavina, tako da promjena vremenske prognoze može uticati i na prognozirano hidrološko stanje. U slučaju značajnije promjene vremenskih uslova na vodnom području rijeke Save, AVP Sava će pravovremeno izdati obavještenje o prognozi vanrednog hidrološkog stanja.

Informacije o aktuelnim vodostajima na svim hidrološkim stanicama na vodnom području rijeke Save u Federaciji BiH su dostupne na internet stranici Agencije za vodno područje rijeke Save: www.voda.ba.

Sve aktivnosti o praćenju i obavještanju o trenutnom hidrološkom stanju provode se u skladu s Federalnim operativnim planom odbrane od poplava.

Sarajevo, 08/10/2024. 9:00

AVP Sava
Sektor za ISV / Odjeljenje za prognozu

VANREDNO HIROLOŠKO STANJE PODRAZUMIJEVA POVEĆAN VODOSTAJ NA RIJEKAMA USLIJED PADAVINA I
MOGUĆNOST POJAVE POPLAVA MANJEG, SREDNJEG I ZNAČAJNOG OBUUHVATA:

NORMALNO STANJE
Normalni hidrološki uslovi

IZLIJEVANJE IZ KORITA
Ispunjeno korito vodom i lokalno izlivanje

POPLAVE
Izlijevanje vode na okolno područje, pojedine objekte, polj. zemljište i puteve

ZNAČAJNE POPLAVE
Plavljenje naselja, objekata, puteva